

Izveštaj o radu Uprave policije MUP-a Kantona Sarajevo za period januar - mart 2019. godine

KRIMINALITET

Kriminalitet na području Kantona Sarajevo u periodu januar – mart 2019. godine u odnosu na isti period prethodne godine, posmatrano kroz osnovne statističke pokazatelje, karakteriše značajno smanjenje broja registrovanih krivičnih djela za 19,1%, prijavljenih lica za 18%, povratnika u činjenju krivičnih djela za 3,6%, maloljetnih izvršilaca za 28,6% i lica lišenih slobode za 7,9%, dok je istovremeno ukupna rasvijetljenost krivičnih djela povećana za 3,1%. Ovi pokazatelji jesu rezultat proaktivnog i preventivnog djelovanja Uprave policije, odnosno pojačanih i planski provedenih aktivnosti policije, naročito u oblastima protiv imovine i djela vezanih za zloupotrebe opojnih droga.

STATISTIČKI PRIKAZ KRIMINALITETA

U periodu januar – mart 2019. godine, registrovana su 922 krivična djela što je za 217 djela ili 19,1% manje nego u periodu januar – mart 2018.godine.

U 443 slučaja (48% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 479 krivičnih djela (ili 52%), prijavljeno je po nepoznatom izvršiocu, od kojih je 198 naknadno rasvijetljeno (ili 41,3% od ukupnog broja prijavljenih djela po nepoznatom izvršiocu).

Tokom izvještajnog perioda ukupno je rasvijetljeno 641-no krivično djelo ili 69,5% što je za 3,1% više u odnosu na uporedni period.

Za izvršenje navedenih djela prijavljeno je 614 lica, od kojih su 372 povratnika u činjenju krivičnih djela (ili 60,6% prijavljenih), 15 maloljetnika (ili 2,4%), a 290 lica je lišeno slobode (ili 47,2%). U odnosu na uporedni period smanjen je broj prijavljenih lica za 135 (ili 18%), povratnika za 14 (ili 3,6%), maloljetnika za šest (ili 28,6%) i lica lišenih slobode za 25 (ili 7,9%).

OSNOVNI STATISTIČKI POKAZATELJI KRIMINALITETA U PERIODU JANUAR - MART 2019/18. GODINE

PERIOD	Broj krivičnih djela			Broj djela za koja su naknadno identifikovani osumnjičeni izvršioци		Broj prijavljenih lica			Lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR - MART 2019. GODINE	922	443	479	198	90	614	15	372	290
JANUAR - MART 2018. GODINE	1.139	532	607	224	121	749	21	386	315
<i>uporedba</i>	-217	-89	-128	-26	-31	-135	-6	-14	-25
	-19,1%	-16,7%	-21,1%	-11,6%	-25,6%	-18%	-28,6%	-3,6%	-7,9%

**UPOREDNI POKAZATELJI STANJA KRIMINALITETA NA PODRUČJU KANTONA SARAJEVO
U PERIODU JANUAR – MART 2019/18. GODINE PREMA GLAVAMA KRIVIČNOG ZAKONA FBiH-a i KZ BiH-a**

KRIVIČNA DJELA	januar-	januar-	uporedba		„rasvijetljenost“ januar- mart 2019.	
			+/-	%	broj r a s k d	% rasvijetlj.
Protiv života i tijela	40	34	6	17,6%	36	90%
Protiv slobode i prava čovjeka i građanina	31	50	-19	-38%	30	96,8%
Protiv spolne slobode i morala	4	3	1	33,3%	4	100%
Protiv braka, porodice i mladeži	62	62	0	isto	62	100%
Protiv zdravlja ljudi	133	166	-33	-19,9%	133	100%
Protiv privrede, posl. i sigur. platnog prom.	4	1	3	300%	4	100%
Protiv imovine	546	711	-165	-23,2%	283	51,8%
Protiv okoliša, poljop. i prirodnih dobara	0	3	-3	---	0	---
Protiv opće sigurnosti ljudi i imovine	33	14	19	135,7%	21	63,6%
Protiv sigurnosti javnog prometa	17	29	-12	-41,4%	16	94,1%
Protiv pravosuđa	6	13	-7	-53,8%	8	133,3% ¹
Protiv javnog reda i pravnog prometa	26	35	-9	-25,7%	24	92,3%
Protiv podmićivanja i krivična djela protiv službene i druge odgovorne dužnosti	3	5	-2	-40,0%	3	100%
Protiv sisitema elektron. obrade podataka	1	0	1	---	1	100%
Privrede i jedinstva tržišta te krivična djela iz oblasti carina (KZBiH)	2	1	1	100%	2	100%
ZONDINOIM-a (Sl.novine Kantona Sarajevo br.01/18)	14	12	2	16,7%	14	100%
UKUPNO	922	1.139	-217	-19,1%	641	69,5%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – mart 2019. godine prijavljeno je 40 krivičnih djela protiv života i tijela (šest više u odnosu na januar - mart 2018.godine).

Zbog postojanja osnova sumnje da su počinili djela iz ove oblasti podneseni su službeni izvještaji protiv 46 lica (14 više), od čega je 27 povratnika u činjenju krivičnih djela ili 58,7%, a 14 je lišeno slobode (četiri više).

Evidentirana su slijedeća krivična djela: ubistvo - jedno djelo (nije bilo ovih djela u uporednom periodu), teška tjelesna ozljeda – 12 (isti broj), lahka tjelesna ozljeda – 26 (šest više) i učestvovanje u tuči - jedno djelo (nije bilo ovih djela). Ukupno je rasvijetljeno 36 ovih djela ili 90% i za sada su nerasvijetljena četiri djela lakih tjelesnih ozljeda.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 31-no djelo (19 manje) - ugrožavanje sigurnosti, a zbog izvršenja navedenih djela prijavljeno je 31-no lice od kojih je 14 povratnika u činjenju krivičnih djela (ili 45,2%), a pet je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovana su 62 krivična djela (isti broj) i to: nasilje u porodici - 61 i oduzimanje djeteta ili maloljetnika - jedno djelo. Službeni izvještaji podneseni su protiv 65 lica od kojih su 24 povratnika ili 36,9%, a 41-no je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 143 lica (22 manje), zbog postojanja osnova sumnje da su počinili 133 krivična djela (33 ili 19,9% manje) i to:

- neovlašćena proizvodnja i stavljanje u promet opojnih droga – 12 djela (dva više),
- neovlašćena proizvodnja i stavljanje u promet opojnih droga u saučiniteljstvu – dva djela (nije bilo ovih djela) i
- posjedovanje i omogućavanje uživanja opojnih droga – 119 djela (37 manje).

PREGLED ODUZETE OPOJNE DROGE

VRSTA OPOJNE DROGE	JANUAR - MART 2019. GODINE	JANUAR - MART 2018. GODINE
Marihuana (u gramima)	128.059	4.169
Marihuana (paketići)	56	41
Marihuana (JOINT - cigarete)	7	13
Heroin (paketići)	20	10
Amfetamin (u gramima)	597	217
Amfetamin (paketići)	51	36
Cannabis (sjeme)	---	100
Cannabis (biljke)	---	1
Ecstasy (tablete)	42	41,5
Kokain (paketići)	---	1
pribor sa ostacima droge (kom.)	21	19

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovana su četiri krivična djela (tri više) - obmana pri dobijanju kredita ili drugih pogodnosti - dva, prijevarena u privrednom poslovanju i krivotvorenje ili uništenje poslovnih ili trgovačkih knjiga ili isprava - po jedno, za čije su izvršenje prijavljena četiri lica.

Takođe, od strane službenika Odjeljena za privredni kriminal tokom prva tri mjeseca 2019. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: zloupotreba položaja ili ovlašćenja, krivotvorenje isprave i krivotvorenje novca - po dva, pronevjera u službi i oštećenje računalnih podataka i programa - po jedno djelo.

KRIVIČNA DJELA PROTIV IMOVINE

U oblasti krivičnih djela protiv imovine registrovano je 546 krivičnih djela što je čak za 165 ili 23,2% manje u odnosu na uporedni period.

Najbrojnija djela iz ove oblasti su: teške krađe – 288 djela (88 manje), krađe – 79 (44 manje), razbojništva – 114 (tri manje), oštećenje tuđe stvari – 29 (devet manje), utaja - 14 (šest više), prijevarena – deset (13 manje), teška krađa u pokušaju – sedam (devet manje), prikrivanje – dva (dva manje manje), itd.

Ukupno su rasvijetljena 283 djela iz ove oblasti ili 51,8% što je za 4,5% više u odnosu na isti period prethodne godine.

Objekti napada pri vršenju krivičnih djela protiv imovine najčešće su bili stambeni objekti – 123 puta (37 manje), poslovni prostori – 65 (18 više), motorna vozila (otuđenja pmv i “provale” u ista) - 62 puta (64 manje), itd., pri čemu je otuđivan novac, nakit, motorna vozila, tehnička roba, cigarete, prehrambeni proizvodi, građevinski materijal, itd.

U prva tri mjeseca ove godine na području Kantona Sarajevo izvršeno je 36 krivičnih djela teških krađa motornih vozila, od čega je 14 ili 38,9% vraćeno (Uprava policije MUP-a KS vratila je deset vozila, drugi MUP-ovi - jedno i vlasnici su sami pronašli - tri vozila).

U odnosu na uporedni period broj otuđenih vozila znatno je smanjen i to za 50 ili 58,1%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 12 lica (devet više). Na području Kantona Sarajevo u prvom tromjesečju 2019. godine registrovano je 114 djela razbojništva (tri manje). Razbojništva su počinjena u prodavnicama - 37 puta (18 manje), u sportskim kladionicama – 26 (dva manje), na ulici – 16 puta (sedam manje), na benzinskim pumpama - 15 (14 više), u apotekama - 14 (četiri više), itd.

Navedena djela izvršena su prijetnjom upotrebe vatrenog oružja – 54 puta (dva više), prijetnjom i upotrebom noža ili drugog oštrog predmeta (komad stakla, šrafčiger i sl.) – 40 (pet manje) i upotrebom fizičke snage - 20 puta (isti broj). Otuđivan je novac, mobiteli, nakit, prijenosni računari, lijekovi, foto-aparati, jedno putničko-motorno vozilo, itd.

Ukupno su rasvijetljena 42 djela razbojištva ili 36,8%, što je za 15,3% manja rasvijetljenost u odnosu na isti period 2018. godine.

Broj teških krađa na naročito opasan ili naročito drzak način u periodu januar-mart 2019. godine u odnosu na uporedni period smanjen je za 12 ili 41,4%. Naime, evidentirano je 17 ovih djela u kojima su izvršioc, upotrebom fizičke snage – 13 puta, te verbalnom prijetnjom u četiri slučaja, otimali mobitele, nakit i novac. Ova djela izvršena su na ulici - 13 puta, u sportskim kladionicama - dva, u apoteci i u stanu - po jedno djelo. Za izvršenje ovih oblika teških krađa, prijavljeno je osam lica, od kojih je sedam povratnika u činjenju krivičnih djela ili 87,5% i sedam je lišeno slobode. Ukupno je rasvijetljeno 14 ovih djela (od kojih je deset izvršeno u 2018.godini) ili 82,3% što je za 61,6% više u odnosu na uporedni period.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 33 djela (19 više) i to: izazivanje opće opasnosti – 29 djela, nesavjesno čuvanje pasa i drugih opasnih životinja - dva, izazivanje opće opasnosti u podstrekavanju i teška krivična djela protiv opće sigurnosti ljudi i imovine - po jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 27 lica, od čega je 18 povratnika ili 66,7%, a 12 je lišeno slobode.

Krivična djela izazivanja opće opasnosti izvršena su 26 puta na otvorenom prostoru i tri puta u stambenim objektima pri čemu je u osam slučajeva upotrijebljeno vatreno oružje, 20 puta je otvorenim plamenom izazvan požar i u jednom slučaju je namjernim otvaranjem ventila za plin i curenjem plina izazvana opasnost po živote ljudi i imovinu. Posljedica izvršenja navedenih djela je ranjavanje tri lica, uznemirenost građana i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 26 krivičnih djela (devet manje) i to: nasilničko ponašanje - deset djela (11 manje), krivotvorenje isprave – osam (četiri više), nedozvoljeno držanje oružja ili eksplozivnih materija – šest (dva više), napad na službenu osobu u vršenju poslova sigurnosti i sprječavanje službene osobe u vršenju službene radnje - po jedno djelo. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 28 lica (19 manje), od kojih je 14 povratnika ili 50%, a sedam je lišeno slobode.

KRIVIČNA DJELA REGULISANA ZONDINOIM-om

U periodu januar – mart 2019. godine evidentirano je 14 krivičnih djela koja su regulisana Zakonom o nabavljanju, držanju i nošenju oružja i municije (dva više), počinjenih od strane 17 lica, od kojih je 12 povratnika u činjenju krivičnih djela.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar-mart 2019. godine, policijski službenici su nadležnom tužilaštvu podnijeli službeni izvještaj protiv 15 maloljetnih lica zbog postojanja osnova sumnje da su izvršili 12 krivičnih djela. U odnosu na isti period 2018. godine, broj maloljetnih učinilaca krivičnih djela smanjen je za šest (ili 28,6%), a broj krivičnih djela za koja su prijavljeni maloljetnici smanjen je za 16 (ili 57,1%).

Pregled broja maloljetnih izvršilaca krivičnih djela za period januar-mart 2019. godine, prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	4	11	15

Među maloljetnim izvršiocima krivičnih djela, najveći broj je u dobi od 16 do 18 godina, dok su četiri povratnika u izvršenju krivičnih djela.

Najbrojnija krivična djela za čija izvršenja su prijavljeni maloljetnici su teška tjelesna ozljeda (tri ili 25%), krađa i nasilničko ponašanje - po dva, a lahka tjelesna ozljeda, ugrožavanje sigurnosti, teška krađa u pokušaju, razbojništvo i utaja – po jedno djelo.

Pregled registrovanih krivičnih djela izvršenih od strane maloljetnih lica u periodu januar-mart 2019/2018. godine

Naziv krivičnog djela	januar-mart 2019.	januar-mart 2018.	+ - %
<i>Teška tjelesna ozljeda</i>	3	2	+1 ili 50%
<i>Lahka tjelesna ozljeda</i>	1	3	-2 ili 66,7%
<i>Ugrožavanje sigurnosti</i>	1		+1
<i>Krađa</i>	2		+2
<i>Silovanje</i>		1	-1
<i>Posjedovanje i omogućavanje uživanja opojnih droga</i>		1	-1
<i>Teška krađa</i>		14	-14
<i>Teška krađa-pokušaj</i>	1		+1
<i>Razbojništvo</i>	1	3	-2 ili 66,7%
<i>Utaja</i>	1	1	isti broj
<i>Nasilničko ponašanje</i>	2	3	-1 ili 33,3%
<i>ukupno</i>	12	28	-16 ili 57,1%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-mart 2019. godine na području Kantona Sarajevo evidentiran je jedan slučaj aktiviranja minsko-eksplozivnih sredstava (u uporednom periodu dva), usljed čega je nastupila materijalna šteta. Preduzimaju se aktivnosti na rasvjetljavanju ovog slučaja i pronalaženju učinioca/laca.

U proteklom tromjesečju evidentirano je osam anonimnih dojava o postavljenim eksplozivnim napravama (26 u uporednom periodu), a odnosile su se na srednje škole. Nakon KDZ pregleda utvrđeno je da su dojavae bile lažne. Preduzimaju se aktivnosti na rasvjetljavanju ovih slučajeva i pronalazaženju učinilaca.

POŽARI

U periodu januar – mart 2019. godine, na području Kantona Sarajevo registrovan je 61 požar (29 više) koji je za posljedicu imao materijalnu štetu.

Prema statističkim pokazateljima, 30 požara je izazvano namjerno, 15 nehatom, devet zbog tehničkih nedostataka, dok uzroci sedam požara spadaju u kategoriju ostalih.

Objekti registrovanih požara bili su:

- Saobraćajno sredstvo – 25 puta,
- Stambeni objekat – 16,
- Pomoćni objekat - pet,
- Poslovni prostor – tri,
- Proizvodni objekat - jednom
- Ostali objekti – 11 puta.

Zbog izazivanja požara nadležnom tužilaštvu su podnesena 22 službena izvještaja: 20 iz člana 323. KZ FBiH (izazivanje opće opasnosti) i dva iz člana 301. KZ FBiH-a (paljevina).

SAMOUBISTVA

U prva tri mjeseca 2019. godine na području Kantona Sarajevo registrovano je devet samoubistava (dva više), koja su izvršena: upotrebom vatrenog oružja – pet puta, skokom sa visine – dva puta, upotrebom oštrog predmeta i utapanjem – po jednom.

Prema spolu, izvršiocci su šest muškaraca i tri žene.

Muškarci su starosne dobi: preko 50 godina – pet lica, između 40 i 50 godina – jedno lice. Osobe ženskog spola su starosti: između 18 i 24, od 40 do 50 i preko 50 godina – po jedno lice.

OSTALE AKTIVNOSTI

Od strane Policijskih uprava fizičkim licima izdato je 231-no odobrenje za nabavku vatrenog oružja (28 manje) i 239 oružnih listova (11 više).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 25 pištolja, devet pušaka, pet „noževa, mačeva, sablji i sl.“, 1.789 komada petardi, tri ručne bombe, 565 kom. municije različitog kalibra, itd.

JAVNI RED I MIR

U periodu januar-mart 2019. godine u oblasti protiv javnog reda i mira registrovano je 937 prekršaja (naloga - 747, zahtjeva za pokretanje prekršajnog postupka - 190), što u odnosu na isti period 2018. godine predstavlja povećanje za 159 ili 20,4%. Za izvršenje navedenih prekršaja prijavljeno je 986 lica (150 ili 18% više).

Na prekršaje utvrđene Zakonom o prekršajima protiv javnog reda i mira odnosi se 813 prekršaja (ili 86,8%), a na prekršaje koji su utvrđeni Odlukom općinskih vijeća o javnom redu i miru 124 ili 13,2%.

Tabelarni pregled broja uručenih naloga i podnesenih zahtjeva iz oblasti javnog reda i mira
januar-mart 2019. godine

period	prekršajni nalozi	zahtjevi za ppp	ukupno
januar	223	46	269
februar	230	68	298
mart	294	76	370
ukupno	747	190	937

Od ukupnog broja prijavljenih lica, 134 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su preko 36 godina (631), zatim između 26 i 35 godina (213), između 19 i 25 godina (138) i do 18 godina četiri lica.

Prilikom narušavanja javnog reda i mira u periodu januar-mart 2019. godine, nije bilo teže povrijeđenih lica (kao ni u istom periodu 2018. godine), dok je 19 lica (šest manje) lakše povrijeđeno.

U strukturi prekršaja od ukupno 937 prekršaja najbrojnija su prosjačenja - 470 (ili 50,2%), iz kategorije ostalih – 100 (ili 10,7%), zatim odbijanje naređenja i omalovažavanje policijskih službenika - 81 (ili 8,6%), naročito drsko ponašanje - 64 (ili 6,8%), tuče - 63 (ili 6,7%), svađa, vika i nepristojno ponašanje - 27, paljenje petardi – osam. Takođe registrovana su 124 prekršaja utvrđena prema Odluci općinskih vijeća o JRiM.

Tabelarni pregled strukture prekršaja iz oblasti javnog reda i mira za period januar- mart 2019/2018. godine

STRUKTURA PREKRŠAJA	Januar-Mart 2019.	Januar-Mart 2018.	+ - %
-Tuča	63	97	-34 ili 35%
-Naročito drsko ponašanje	64	84	-20 ili 23,8%
-Odbijanje naređenja i omalovažavanjem pol.sl.	81	68	+13 ili 19,1%
-Prosjačenje	470	317	+153 ili 48,3%
-Svađa, vika, nepristojno ponašanje	27	14	+13 ili 92,8%
-Paljenje petardi	8	8	isti broj
-Uživanje opojne droge na javnom mjestu	0	8	-8
-Ostali prekršaji iz Zakona o pr.proriv JRiM	100	99	+1 ili 1%
Prekršaji prema odluci OV o JRiM	124	83	+41 ili 49,4%
Ukupno	937	778	+159 ili 20,4%

U odnosu na isti period 2018. godine, smanjen je broj prekršaja učinjenih tučom, naročito drskim ponašanjem i uživanjem opojne droge na javnom mjestu, broj prekršaja učinjenih paljenjem petardi ostao je isti, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (857 ili 91,5%), a znatno manje u ugostiteljskim objektima (32 ili 3,4%), sportskim stadionima i dvoranama (četiri), školama i školskim dvorištima, trgovinskim i zanatskim radnjama (po dva), i na ostalim mjestima 40 prekršaja.

U poređenju sa istim periodom 2018. godine, smanjen je broj prekršaja evidentiranih u ugostiteljskim objektima, vozilima javnog saobraćaja, školama i školskim dvorištima, trgovinskim i zanatskim radnjama, kao i na ostalim mjestima, dok je na ulicama i drugim otvorenim prostorima, sportskim stadionima i dvoranama taj broj povećan.

Na području Kantona Sarajevo u periodu januar-mart 2019. godine održano je 517 javnih skupova (38 ili 6,8% manje u odnosu na isti period 2018. godine). Policijski službenici Uprave policije su proveli planske aktivnosti za bezbjedno održavanje javnih skupova, a u 141 slučaju izvršeno je KDZ osiguranje.

SAOBRAĆAJ

U periodu januar- mart 2019. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom, sa nastradalim licima i broja nastradalih lica.

Registrovana je 2.051 saobraćajna nezgoda (239 ili 10,4 % manje), od čega 1.876 sa materijalnom štetom (231 ili 11 % manje) i 175 sa nastradalim licima (osam ili 4,4 % manje).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR – MART 2019./2018. GODINA

	2019.	2018.	uporedba	
			+, -	%
UKUPAN BROJ SAOBRAĆAJNIH NEZGODA	2.051	2.290	- 239	-10,4 %
SAOBRAĆAJNE NEZGODE SA NASTRADALIM LICIMA	175	183	- 8	- 4,4 %
SAOBRAĆAJNE NEZGODE SA MATERIJALNOM ŠTETOM	1.876	2.107	- 231	- 11 %
POGINULO LICA	3	4	- 1	- 25 %
- vozači	2	2	<i>isto</i>	<i>-----</i>
- putnici	0	0	<i>-----</i>	<i>-----</i>
- pješaci	1	2	- 1	- 50 %
POVRIJEĐENO LICA	214	229	- 15	- 6,5 %
- vozači	113	102	+ 11	+ 10,8 %
- putnici	54	75	- 21	- 28 %
- pješaci	47	52	- 5	- 9,6 %

U naselju je registrovano 1.880 saobraćajnih nezgoda (dvije sa poginulim, 151 sa povrijeđenim licima i 1.727 sa materijalnom štetom), van naselja 171 nezgoda (jedna sa poginulim, 21 sa povrijeđenim licima i 149 sa materijalnom štetom).

Prema kategoriji puta, saobraćajne nezgode registrovane su:

- na ulicama u naselju – 1.428 nezgoda (jedno lice poginulo, 134 lica povrijeđena),
- na magistralnim putevima – 238 (42 lica povrijeđena),
- na regionalnim putevima – 119 (12 lica povrijeđeno),
- na lokalnim putevima – 101 (dva lica poginula, osam lica povrijeđeno),
- na putevima koji se ubrajaju u kategoriju ostalih – 165 (18 lica povrijeđeno).

Prema karakteristikama puta, saobraćajne nezgode registrovane su:

- na raskrsnicama u naselju – 347 (52 lica povrijeđena),
- na raskrsnicama van naselja - 63 (četiri lica povrijeđena),
- na pješačkim prelazima – 16 (tri lica povrijeđena),
- u tunelu – jedna saobraćajna nezgoda (jedno lice povrijeđeno),
- na putevima koji se ubrajaju u karakteristike ostalih – 1.624 (tri lica poginula, 154 lica povrijeđena).

POSLJEDICE SAOBRAĆAJNIH NEZGODA

U toku perioda januar – mart 2019. godine, u saobraćajnim nezgodama na području Kantona Sarajevo nastradalo je ukupno 217 lica (16 ili 6,9 % manje).

TABELARNI PREGLED NASTRADALIH LICA (poginula, teško i lakše povrijeđena)
U SAOBRAĆAJNIM NEZGODAMA
JANUAR-MART 2019/2018. GODINA

učesnici u saobraćaju	2019. GODINA	2018. GODINA	uporedba	
			+/-	%
vozači	115	104	+ 11	+ 10,6 %
putnici	54	75	- 21	- 28 %
pješaci	48	54	- 6	- 11,1 %
UKUPNO	217	233	- 16	- 6,9 %

Tri lica su poginula, (jedno ili 25 % manje), dok je 214 lica povrijeđeno (15 ili 6,5 % manje), od čega 30 teže (isti broj) i 184 lakše (15 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
JANUAR – MART 2019/2018.GODINA

PERIOD	2019. GODINA			2018. GODINA			UPOREDBA 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	2	7	106	2	6	96	<i>isto</i>	+ 1	+ 10
PUTNICI	0	2	52	0	9	66	-----	- 7	- 14
PJEŠACI	1	21	26	2	15	37	- 1	+ 6	- 11
UKUPNO	3	30	184	4	30	199	- 1	<i>isto</i>	- 15

STEPEN POVREDA UČESNIKA U SAOBRAĆAJNIM NEZGODAMA

- Vozači :
Dva vozača su poginula, 113 vozača povrijeđeno (sedam teže i 106 lakše)
- Putnici:
Pedeset četiri putnika povrijeđena (dva teže i 52 lakše)
- Pješaci:
Jedan pješak je poginuo, 47 pješaka povrijeđeno (21 teže i 26 lakše)

Starosna struktura nastradalih lica u saobraćajnim nezgodama je slijedeća:

- do 17 godina – pet lica,
- od 18 do 20 godina – 11 lica,
- od 21 do 30 godina - 63,
- od 31 do 40 godina – 41,
- od 41 do 50 godina – 29,
- od 51 do 65 godina – 30 lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 21 lice,
- od 23 do 30 godina – 27,
- od 30 do 40 godina – 29,
- od 40 do 50 godina – 15,
- od 50 do 60 godina – 13 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 1.679 (dva lica poginula, 144 lica povrijeđena),
- neprilagođena brzina – 343 (jedno lice poginulo, 61 lice povrijeđeno),
- uticaj alkohola – 26 (sedam lica povrijeđeno),
- klizav put – tri nezgode (dva lica povrijeđena).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 58.092 vozila (1.694 ili tri % više).

Zbog kršenja propisa iz oblasti sigurnosti saobraćaja uručeno je 56.819 prekršajnih naloga vozačima (15.209 ili 36,5 % više), podnesena 103 zahtjeva za pokretanje prekršajnog postupka (devet ili osam % manje) i registrovano 17 krivičnih djela zbog ugrožavanja sigurnosti javnog prometa (12 ili 41,4 % manje).

Policijski službenici Jedinice za saobraćaj su u prva tri mjeseca ove godine uručili 26.187 prekršajnih naloga, evidentirali 1.676 vozila koja su učestvovala u saobraćaju bez važeće registracije, evidentirali 378 vozača koji su upravljali vozilom bez korištenja sigurnosnog pojasa i 304 vozača koji su koristili mobilni telefon tokom vožnje.

Zbog tehničke neispravnosti, iz saobraćaja je isključeno 139 vozila (58 ili 71,6 % više), 848 vozača je zatečeno da upravljaju vozilom pod dejstvom alkohola (129 ili 17,9 % više), 785 bez korištenja sigurnosnog pojasa (sedam ili 0,9 % manje), 405 bez položenog vozačkog ispita (202 ili 99,5 % više), 148 pod izrečenom zaštitnom mjerom (10 ili 6,3 % manje), 971 vozač je zatečen da koristi mobilni telefon tokom vožnje (14 ili 1,4 % manje), a 1.793 vozila su otkrivena da učestvuju u saobraćaju bez važeće registracije (1.230 ili 218,5 % više).

Tokom perioda januar- mart 2019. godine, policijski službenici Uprave policije MUP-a KS su na području Kantona Sarajevo organizovali i sproveli ukupno 196 lokalnih akcija pojačane kontrole saobraćaja.

U akcijama je kontrolisano 3.118 vozila. Tom prilikom je upozoreno 200 vozača, uručena su 1.824 prekršajna naloga vozačima i podneseno sedam zahtjeva za pokretanje prekršajnog postupka. Ujedno je kontrolisano 537 taksi vozila.

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2019. godine, pripadnici Uprave policije su uručili 23.426 prekršajnih naloga vozačima koji nisu poštivali saobraćajne propise prilikom parkiranja (3.894 više u odnosu na isti period prošle godine), upozorili 852 vozača (647 manje), a specijalnim vozilom „pauk“ su premjestili 476 vozila (618 manje).

ZAKONITOST U RADU

U periodu januar- mart 2019. godine registrovana su tri pojedinačna napada (dva manje) na policijske službenike MUP-a Kantona Sarajevo: Jedinica za specijalističku podršku, Jedinica za saobraćaj i Peta PU po – jedan napad. Napadi su izvršeni od strane tri punoljetna lica i tom prilikom je jedan policijski službenik ranjen, dok su dvojica lakše povrijeđena.

Policijski službenici Uprave policije su tokom izvještajnog perioda u 10 slučajeva opravdano upotrijebili silu : fizičku snagu i sredstva za vezivanje – devet puta i vatreno oružje – jednom

Tokom prvog tromjesečja 2019. godine, razmatrano je 87 predstavki na rad policijskih službenika. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 29 predstavki (tri više) provede unutrašnja istraga. Za 29 predstavki je odlučeno da se izvrše provjere i prikupi dokumentacija, za 16 da nema osnova za provođenje unutrašnjih istraga, za tri da su nenadležni, za tri da se proslijede nadležnoj policijskoj upravi, za dvije da se upute na sudsko odlučivanje, za jednu da se spoji u istragu, u jednom slučaju akt je proslijeđen Disciplinskoj komisiji na razmatranje, u jednom slučaju je proslijeđen Sektoru kriminalističke policije, u jednom slučaju spis je odložen, a u jednom zastario.

Od ukupno 87 razmatranih predstavki, 69 je podneseno od strane građana, a 18 predstavki predstavljaju saznanja iz službe.

Okončano je 30 unutrašnjih istraga među kojima je 12 neosnovanih, osam je osnovanih, sedam je bilo bez dovoljno dokaza, u dva slučaja istraga je obustavljena, a u jednom slučaju okončana ocjenom oslobađajuća.

RAD POLICIJE U ZAJEDNICI

U okviru Rada policije u zajednici tokom prva tri mjeseca 2019. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

S tim u vezi preduzimane su, između ostalog, slijedeće aktivnosti:

- Prisustvovanje edukativnoj radionici na temu: "Prevenција iskorištavanja i zlostavljanja djece u digitalnom okruženju" u organizaciji Visokog sudskog i tužilačkog vijeća Bosne i Hercegovine, a u okviru "Projekta jačanja tužilačkih kapaciteta u sistemu krivičnog pravosuđa u BiH" uz podršku Vlade Švicarske;
- Prisustvovanje radionici „Dijalog za budućnost“, koju je organizovalo opštinsko vijeće Novog Grada;
- Prisustvovanje radionici na temu „Prva dijaloška platforma“, koju je organizovala nevladina organizacija CPCD;
- Učestvovanje u realizaciji „6. Kids kindurijade“, koja je u Domu mladih održana u organizaciji „Media tyme“ doo;
- Učešće u edukativnoj radionici na temu „Prevenција maloljetničkog prijestupništva i kultura ponašanja u saobraćaju i na javnom mjestu“, za učenike JU „Srednja mašinska-tehnička“ škola;
- Učešće u edukativnim radionicama na temu „Prevenција zloupotrebe narkotičkih sredstava“, za učenike srednjih škola na području Kantona Sarajevo;
- Učešće u manifestaciji „Vrijedimo li šta“ sa temom „Iskustva žena zaposlenih u sigurnosnim agencijama u BiH“;
- Prisustvovanje edukacijama na temu „Lopov uvijek bude otkriven“, u sklopu "Projekta jačanja tužilačkih kapaciteta u sistemu krivičnog pravosuđa u BiH";
- Nastavljeno je učešće u realizaciji kampanje „Uklanjanje grafita“ u organizaciji ICITAP-a, ambasade SAD-a i Gradske uprave Grada Sarajeva;

7. EDUKACIJA U UPRAVI POLICIJE

U skladu sa Planom i programom stručnog osposobljavanja policijskih službenika Uprave policije u periodu januar- mart 2019. godine, razne vidove interne i eksterene edukacije pohađala su ukupno 353 policijska službenika.

Internu edukaciju pohađala su 83 policijska službenika:

- Permanentnu obuku - 60 policijskih službenika
- Naprednu obuku –23 policijska službenika

Eksternu edukaciju kroz razne vidove specijalističke obuke pohađalo je ukupno 270 policijskih službenika.

Teme obuka, seminara, radionica, okruglih stolova, između ostalog bile su:

- „Saradnja tužilaštva i policijskih tijela u okviru uspostavljenih operativnih foruma“.
- „Izazovi vezani za povratak stranih terorističkih boraca“.
- „Vođenje istraga u slučajevima terorizma“.
- „Jačanje borbe protiv pranja novca“.
- „Pokazne vježbe istraživanja lica mjesta i prikupljanje tragova u sklopu projekta „Jačanje tužilačkih kapaciteta u sistemu pravosuđa“.
- Upravljanje medijima u operacijama potpore miru“.
- „Napredne vještine intervjuisanja“.
- „Trening o slobodi vjere ili uvjerenja za općinske vlasti, vjerske zajednice, civilno društvo i medijske stručnjake“.
- Razmjena iskustava žena zaposlenih u odbrambenim i sigurnosno-policijskim sastavima u BiH”.
- „Unapređenje slobode vjere i uvjerenja“.
- „Korupcija u javnim nabavkama“
- „Kibernetiča sigurnost 2019“
- „Seksualno iskorištavanje i zlostavljanje djece u digitalnom okruženju“.
- „Savjetovanje kao podrška porodici u riziku“, u sklopu aktivnosti Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom.

Sarajevo, 17.04.2019. godiune

Odjeljenje za odnose s javnošću